



KOMUNIKADO

Fecha:
22 september 2024

Kolaboradó di komunikashon:
Luzmarie Ster

Email:
luzmarie.ster@minjustcur.com

Ministerio di Hustisia Ta Aktivo pa Solushoná Problemanan Konstatá

Willemstad – Den reakshon riba preokupashonnan resien tokante e efektivitat di Ministerio di Hustisia ku ta trata diferente reto den kadena di hustisia, e ministerio ke laga sa ku efektivamente tin medida ku ta tuma pa solushoná e problema ku a konstatá. E rapòrt di Raad voor de Rechtshandhaving, ku ta evaluá e situashon di e rekomendashonnan biniendo di investigashonnan anterior, ta inkluí dato balioso i ta mustra ku e ministerio ya ta aktivo den diferente área.

Siguimentu i Medidanan

Den e periodo for di 2011 pa 2023, mas di sinkuenta rapòrt di inspeksion a wòrdu publiká tokante diferente parti di e kadena di hustisia na Kòrsou. E rapòrt aki ta duna un resúmen di e situashon aktualmente riba kon ta efektuá e rekomendashonnan ku a wòrdu hasi pa e Raad.

E Raad a konkluí ku den algun kaso, manera na Ministerio Públiko i Wardakosta, un progreso signifikante a keda lográ. Asina, mas ku 70% di e rekomendashonnan na Ministerio Públiko a wòrdu sigui. Pa Wardakosta, paso importante a tuma riba e área di interkambio di informashon i kapasidat operashonal.

Falta di Personal i Fondonan

E ministerio ta rekonosé ku tin opstákulo, prinsipalmente den área di personal i fondo finansiero, ku a tarda e implementashon di algun rekomendashonnan. Pero tin medidanan ku ta wòrdu tuma pa solushoná e problema akí. Manera ta konosí kaba den luna di mart 2024, Ministerio di Hustisia a organisá un Job Fair kaminda tabatin vários vakatura habri pa kada un di e organisashonnan den e kadena hudisial. Algun di e organisashon ya kaba a yena e funshonnan ku tabata bashí.

Ademas, e ministerio ta traha riba e leinan i reglamentonan nesesario ku mester strukturalmente fortifiká e operashonnan di Landsrecherche i otro parti di hustisia.



Monitoria i Rapòrtnan Kontinuo

Un paso importante den e proseso di mehorá ta e formashon di un grupo di trabou ku tin e tarea pa implementá e rekomendashonnan. E grupo akí, formá ku miembronan di Korps Politie Kòrsou (KPC), kabinèt di minister di Hustisia i trahadónan di maneho di ministerio, ta raportá regularmente riba e progreso. E rapòrt akí ta hasi sigur ku tin un kontrol ku atenshon riba e implementashon di e medidanan di mehorashon.

Akshonnan pa Futuro

E ministerio ta kontinuamente invertí den oumentá e efektivitat i kalidat den e kadena hudisial pa medio di intensifiká formashon, fortifiká e empleado riba su abilitatnan i implementá teknologia moderno. Un gran parti di e medidanan akí ta inkluí den e plannan di largu plaso ku a ser aprobá resientemente. Tambe, fondonan adishonal ta reservá pa proyektonan urgente manera renovashon di e infrastruktura di Justitiële Jeugdrichting Curaçao.

Konklushon

Ministerio di Hustisia ta konfirmá ku ta traha ku seriedat i responsabilidadat riba e rekomendashonnan di e problema ku a konstatá. Apesar di e reto, e ministerio ta determiná pa logra loke mester keda mehorá den e kadena hudisial. E kooperashon ku organisashonnan i sosionan relevante lo intensifiká den e lunanan ku ta bin, pa logra mas progreso.

FIN